



BOSNIA AND HERZEGOVINA  
MINISTRY OF COMMUNICATIONS AND TRANSPORT

Broj:01-06-07-6-4229-1/12  
Sarajevo, 22.08.2012. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 28-08-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-21/12			

BOSNA I HERCEGOVINA  
PARLAMENTARNA SKUPŠTINA BIH  
PREDSTAVNIČKI DOM

**Predmet:** Odgovor na poslaničko pitanje Petra Kunića, poslanika u Predstavničkom domu Parlamentarne skupštine Bosne i Hercegovine

**Veza:** Vaš akt broj: 05-50-1-2152/12 od 19.07.2012.godine

U skladu sa članom 155. stav 3. Poslovnika o radu Predstavničkog doma Parlamentarne skupštine Bosne i Hercegovine („Službeni glasnik BiH“ br.33, 41, 81, 91/06 i 91/07), u prilogu ovog dopisa dostavljamo odgovor na poslaničko pitanje Petra Kunića, poslanika u Predstavničkom domu Parlamentarne skupštine Bosne i Hercegovine, postavljeno na 31. sjednici Predstavničkog doma, održanoj 05. jula 2012. godine.

S poštovanjem,



MINISTAR

Damir Hadžić

**Prilog:**

- kao u tekstu

**Dostavljeno:**

- Naslovu,
- Sektor 06,
- Odsjek 04/1
- a/a



BOSNA I HERCEGOVINA  
VIJEĆE MINISTARA

Broj: \_\_\_\_\_  
Sarajevo,

Prijedlog

G-din Petar Kunić, poslanik u Predstavničkom domu Parlamentarne skupštine Bosne i Hercegovine, na 31. sjednici Predstavničkog doma, održanoj 05. jula 2012. godine, postavio je slijedeće poslaničko pitanje:

**Petar Kunić:**

*„Unazad nekoliko sedmica zaključen je Ugovor o izgradnji mosta na Savi kod Gradiške, gdje nije preciziran rok početka gradnje. U javnosti se govori da bi to trebalo biti početkom 2013. godine. Šta će učiniti diplomatija i nadležno ministarstvo da se započne gradnja tog mosta sa hrvatske strane i da se završi što prije?“*

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o vijeću ministara Bosne i Hercegovine ("Službenik glasnik BiH", broj 30/03 i 42/03), na \_\_\_ sjednici održanoj \_\_\_\_\_ godine, utvrdilo je slijedeće

ODGOVOR

Sporazum između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Gradiške i priključnih graničnih dionica međudržavnog puta E 661 stupio na snagu 27. maja 2012. godine. Ovim sporazumom se uređuju osnove saradnje i zajedničke izgradnje mosta preko rijeke Save kod Gradiške na međudržavnom putu E 661, te kordinacija i usklađivanje priprema za izgradnju priključnih graničnih dionica:

- a) dionica brzog puta Okučani – granica Bosne i Hercegovine, i
- b) dionica autoputa Gradiška – granica Republike Hrvatske.

Dana 12.06.2012. godine u Ministarstvu saobraćaja i veza Republike Srpske, u Banja Luci, održan je prvi sastanak zajedničkog Operativnog tijela - Jedinice za realizaciju Sporazuma na kojem su usuglašeni predviđeni rokovi slijedećih aktivnosti:

- do kraja novembra 2012. godine očekuje se da će Republika Hrvatska ishoditi građevinsku dozvolu za most, te da će biti pripremljena tenderska dokumentacija;
- u novembru/decembru 2012. godine očekuje se raspisivanje tendera za izbor Izvođača radova na izgradnji mosta;
- u martu 2013. godine moga bi najranije biti potpisan Ugovor (ali ne bez prethodno ishodiene građevinske dozvole);
- u aprilu 2013. godine očekuje se uvođenje Izvođača u posao.

Na osnovu usaglašenih termina Ministarstvo komunikacija i transporta BiH izradilo je hodogram aktivnosti za izgradnju mosta.

Na drugom sastanku Jedinice za realizaciju Sporazuma održanom, dana 18.06.2012. godine u prostorijama Hrvatskih cesta d.o.o., u Zagrebu, na temu Izrada projektne dokumentacije mosta preko rijeke Save kod Gradiške, kao i finansiranja izgradnje mosta. U ovoj godini za gradnju mosta osigurana su sredstva iz budžeta BiH u iznosu od 5,5 miliona KM.

U toku je izbor konsultanta za nostrifikaciju glavnog projekta u Bosni i Hercegovini. Hrvatska strana radi reviziju glavnog projekta u Republici Hrvatskoj. Ove aktivnosti ne izlaze iz planiranih rokova, pa se nadamo da će i gradnja mosta započeti u aprilu 2013. godine.